


孫子集注



謝祥皓
劉申寧
輯

孫子集成

郭化若題

齊魯書社



第七冊

孫子集註	一
諸子品節・孫武子	四四一
孫子略解	五二三
武經七書・孫子	六三一
諸子彙函・孫武子	六九五
評註七子兵略・孫子	七二九

刻孫子序

新都程涓巨源著

夫兵難言也古者大司馬
職之動之以仁義行之以
禮讓司馬法犁然具矣自

周之衰制隳泐蕩天下日
尋于干戈而譚兵者遞出
孫子其雄乎孫子所著十
三篇武帝為註班固志藝
文乃言孫吳兵法八十二

篇豈其有脫簡耶司馬遷
稱十三篇已兩言之矣自
如杜牧言武書數十萬言
魏武削繁剩而筆精粹僅
取足其大畧爾註孫子者

自李筌陳臯唐孟賈林杜
佑紀燮王皙而下凡十餘
家而歐陽脩猷推梅聖俞
為之冠然聖俞眇然儒者
也譚何容易乎自戰國以

後世之稱師旅者至孫子
莫敢抵齒猶之稱天語聖
而莫敢抵齒于孟子輿者
也精者入無間搯無形神
化而不可究諛則蒙莊要

眇之論粗者按軍實定章
程行營布陳習坐作進退
料敵設奇則計倪治生之
策其立賞罰較遲速以天
時地利人和而歸之成策

則韓非論難之密虛二實
二用多用憲勝敗互相為
端刺見敵先後而出入鬼
神則季主前知之能夫使
武夫健將能見而不能習

授簡輶檠之流能習而不
能用是孫子之所以為雄
也乃論者以左氏無孫子
亡論其書并其人而疑之
藉令其人與書信然區二

在吳時獸能斬一二婦人
破楚威齊晉與有力耳非
必其專閫特將如一匡尊
攘功者也且也雄于言兵
往二舍正而鑿竒背義而

依詐知術相尚氣驅力奪
而以此毒天下後世哉夫
兵陰道也而陽用之且也
跡出之變競角而趨狡即
千慮一失之虞何得不竭

神思殫智術以圖萬全哉
余讀孫子誠善其辭多先
秦剽勁之氣在則人亡則
書古今人表之數左氏不
必盡有也譚兵者祖武子

而過疑之且禍晉之亦大
舛矣黃生治徵讀四種書
酷愛孫子得善本刻焉曰
而謂余十三篇文辭雅馴
而旨深遠閱廓使人讀之

如親被鎧甲援枹鼓而即
戎行一時籌畫所運批擣
犄角無不各當敵在吾目
中矣余擊節壯生之志曰
為序而行之乃若習老生

陳言以俎豆先軍旅則有
古司馬之抑讓在更願為
生誦之

萬曆己丑仲夏朔旦

